

Wyprechten und Arnden bruderen ok genant die Tresskouwen oren vedderen eynes wissels desser nageschreven gudere, nemliken des hoves unde dorpes Pechow mit siner tobehoringe gerichtten ungerichtten lehen rechten tinsen pechten schaten dinsten ackeren wesen wesewassen waternen watergengen viskerien holteren jachten weiden unde driften und sunderliken den groten see und alle ander watere darsulves in dem holte, der groten holtmarke darsulves, darin dy holtmarke geheiten dy how, Hans Arndes bleck und dy twymtich rode gerekent sint mit aller tobehoringe, eyn bleck geheiten dat olde dorp, der Pechouwer merwiske, Henning Albrechtes wysche unde holtbleke, dy drie kavele, den brummekerhorne, eyn holtblecke, dat Erasmus Markendorp itzund het, dy grasebleke, de dy van Nedelitze gemidet hebben, nemliken den scheperhorne, dy lutken drye wichsche, de lutke sandwischke und grote sandwischke und alle ander gudere, de an genneside der Elven und in dem gerichte to Pechow gelegen sint, in maten dy gnanten Tresskouwen dy to dem hove Pechow van dem gnanten unsen gnedigen heren van Magdeburch to lehne gehad hebben, neyns uthgenomen sunder alleyn dy gudere to Louburch unde die wuste veltmark Wentgreden genant vor Louborch gelegen, vor und umme desse nageschreven gudere, nemliken dat dorp Parchouwe mit dem kerklehne gerichtten rechten ungerichtten dinsten tinsen sehen diken water watergengen viskerien holteren jachten ackeren wesen wesewassen weiden driften und alle tobehoringe, de wusten veltmarken Werder, Plumerdung, Hogenhaven, den Kreil und Penningestorp mit alle oren tobehoringen, to Ileborch van virentwintich hoven io van iowelker hoven vif loth iarlukes tinses und etlike kleyne lehen guddere darsulves und noch eynen hoff mit eyner hoven und ock dat schultrichte darsulves to Ileborch, dat dorp Hogenseden mit dem kerklehne allem rechten und tobehoringen und die wusten dorpere Lutkenseden Schatberge Webber und Dorremarke mit allen rechten und tobehoringen, die holtmarken genant, der kindere holt, des abdes laken, der vussynnen holt und achteyn hoven to Kulczow gelegen und gemeynlik alle gudere und eigendom, in maten wy genanten abd convent und godeshuss to Berghe betteher genneside der Elven und benedem den dorpe Gerwisch gelegen gehad hebben neyns uthgenomen, vordragen und voreyniget hebben, nemliken dat de upgerurde hoff und dorp Pechow mit gerichtten ungerichtten dinsten lehen tinsen sehen diken waternen watergengen viskerien holteren jachten ackeren wesen wesewassen weiden driften mit aller tobehoringe, inmaten die upgenanten Tresskouwen die to dem hove to Pechow und gennesiden der Elven gehad hebben, na dem ovne eigentlick uthgedrucket iss nichtes uthgenomen denne alleyn dy gudere to Louborch und wuste veltmarke Wentgreden, met eighendome und herscap unses vorgeanten Hermannus abdes unser nakommen conventes und godeshuses to Berghe eigen to ewigen tiden sien scal, darjegen dan die eigendom herscap und lehenscap des upgerurden dorpes Parchouwe mit kerklehne und dy anderen gudere beseth und unbeseth